

靖海衛志

卷之一

形勝

卷之二

屯田

卷之三

戶口

卷之四

名宦

卷之五

官職

列傳卷之六

卷之六

科目

卷之七

名賢

卷之八

肥封

卷之九

逸行

卷之十

貞節

增補

屯名

藝文

外志

山川

第一卷

一

三
目
次

目
次

二

祀

先師孔子四配

祝文

詞曰惟師德配天地道冠古今刪述六經垂憲萬世謹以牲帛醴
菲粢盛庶品祇奉舊章氏陳明薦以復聖顏子宗聖曾子述聖子
思子亞聖孟子配尚饗

判活有法

形勝卷之一

靖海衛古名普庵郡明魏國公徐達平定東牟草創衛治洪武三十一年始築石城周九百七十一丈高二丈四尺門四後倭乘西門入寇始塞今止三門樓鋪二十九座池深一丈濶二丈五尺為東咽喉極衝專城自明季天啟年間湮廢至今漸坍塌五十五處久成通衢於康熙十一年守備葉植勸諭軍丁輸工葺補捐俸重理三門晨昏啟閉城上尚少資費修理圍墻垛口雖未得成東海巨觀亦足為荏苒之格城內有普庵寺城隍廟玄帝廟關帝廟三官廟龍勢來自東北形如鳳凰展翅槎山拱翠於東西有文筆數峰獨立海面南有蘇山鎮其水口龜山俯其北門山水之秀有足多云

甯津所磚城周二里高二丈濶二丈門四樓舖十六座池深一丈濶二丈今圯

衛署自明季坍塌前官皆賃民房康熙七年守備葉植捐俸金五十兩有奇修理樓址

衛學明正統四年指揮潘興草創嘉靖年間兵巡道馮時雍東巡移文修葺萬曆末年鄉宦宋廷訓捐資修飾

國朝順治年間教授周之翰建戟門開泮池康熙十年守備葉植教授舉人馬負圖各捐俸重修兩廡門墻鑿深泮池明倫堂久廢尚未重建啟聖公祠久日倒塌守備葉植捐俸重理葺新

聖賢像守備葉植捐俸重葺

屯田卷之二

本衛原額屯地一千一十四項內除無主荒地九百二十五項八畝四厘七絲免派又除復荒地九項四十四畝八分八厘免派實
在城熟一例地七十八項五十二畝七厘三絲每畝額銀三分一
厘六毫九絲四忽六微該徵銀二百四十八兩八錢六分八厘五
毫一絲二忽五微八纖二沙於康熙九年守備葉植任內勸墾老
荒應自康熙十二年起科地九十五畝該徵銀三兩一分九毫八
絲七忽見今行差一例地七十九項四十七畝七厘九毫三絲共
照額徵銀二百五十一兩八錢七分九厘四毫九絲九忽五微八
纖二沙

甯津所原額上中下三則屯地八十六項五十七畝八分內上地

三十六畝一分五厘全熟每畝額銀二分七厘共徵銀九錢七分
六厘五絲中地一項二十一畝二分四厘四毫內除復荒地一十
六畝八分免派成熟中地一項四畝四分四厘四毫每畝額徵銀
一分七厘共徵銀一兩七錢七分五厘五毫四絲八忽下地八十
五項四分六毫內除荒地七十四項七十六畝五分八厘五絲二
忽四微六纖免派外成熟下地八項四十七畝三分二厘四毫三
絲七忽五微六纖每畝額徵銀一分五厘六微銀八兩八錢九分
六厘九毫五忽九微四纖後於康熙九年守備葉植任內勸墾應
自康熙十二年起科下地一項七十六畝五分八絲該增銀一兩
八錢五分五厘二毫五絲八忽四微以上成熟上中下三則地一
十一項六十四畝四分一厘九毫一絲七忽五微六纖共照額徵

銀一十三兩五錢一厘七毫六絲二忽三微四纖
以上衛所共地九十一頃一十一畝四分九厘八毫四絲七忽五
微六纖

拜禮

下

三

戶口卷之三

國朝順治元年本衛原額當差中下二則人丁共五百零五丁至順治十年奉文編審共有七百三十八人又順治十四年新增黥生並添入優免供丁一百零一丁共當差人丁八百三十九丁內中則丁每丁額派銀七錢下則丁每丁額派銀五錢三分四厘自于逆兵燹之後造報殺戮奉

旨豁免下則人丁二十六丁又於康熙元年為請定編審劃一之期等事奉

旨開除下則人丁三十六丁以上共除豁人丁六十二丁免派實在人丁七百七十七丁後於康熙三年新增安插島民下則人丁一丁共七百七十八丁守備張繼震於康熙六年編審不清節年

逃亡二百二十一丁未能審補康熙七年四月初二日文盤摺內
有名無實官役被累難堪至康熙十一年守備葉植奉文編審將
節年招撫逃丁清編共有八百一丁除補原額外新增人丁二十
三丁見今實在當差中丁三十丁每丁照額徵銀七錢共銀二十
一兩下丁七百七十一丁每丁照額徵銀五錢三分四厘共徵銀
四百一十一兩七錢一分四厘
以上中下人丁共徵銀四百三十二兩七錢一分四厘
寧津守禦所自順治十二年裁併入衛原額一仟一百七十
七丁自予逆變後造報殺戮奉
旨豁免人丁十丁又於康熙元年為請定編審劃一之期等事奉
旨開除人丁十二丁以上共豁免人丁二十二丁免派實在人丁

一百五十五丁至康熙十一年守備業植奉文編審新增人丁一
十一丁今實在當差人丁一百六十六丁每丁照額徵銀五錢四
分六厘九毫共徵銀九十兩七錢八分五厘四毫
以上衛所丁地共徵銀七百八十八兩八錢八分六毫六絲一忽
九微二纖二沙

本衛所地處海濱疊經兵燹茫茫蒼黎不為流離者幾希矣自守
備業植來任極力措剔除數十年牢不可破之積弊復九百丁久
失原額之軍丁招撫流移新荒復業勸懇老荒歲賦日增上裕
國課下保殘黎紳衿軍丁勒石永銘

譯註卷之五

五

名宦卷之四

明

崇廷訓字仰宇號正吾本衛人生平莊嚴有道學風萬曆乙酉荐於鄉己丑成進士初授戶部主事值西夏時劉之胤亂請視朝聽講仰畏修省等事奉差兼理草場會火災甘罰已俸為商請償贖差督稅淮上釐剔風弊課士講學以闡聖教轉本部正郎尋以稅絀受謫山居數載色養雙親親歿哀毀骨立墓祭一準諸禮分產以給兩第開館以誨諸生所著如孝經詳解小學概括兒訓女箴幾希湛省等篇悉皆性命之真起補刑部正郎歷升山西叅議兼攝五符清源徹骨官吏皆懼未三年政教翔洽及北上入覲民渡道泣送一切夫例備減告歸後歲餘而歿山西祀名宦鄉人思其

新法卷三

功德舉祀鄉賢

六

官職卷之五

明

指揮使

正三品方印一顆五年軍政選賢能指揮一員主之賢否

楊武樂安人天啓志無

商能沐陽人洪武間封

潘古雞不花山後人洪武間封

指揮同知正四品

向銘高安人洪武間封

王忠新安人洪武間封

王日成任邱人洪武間封

連子實浙江錢塘人洪武間封

青野行五

官職

二

彭澤府志

鄭鑑 北直武清人 洪武間封

馮真 南潞州人 洪武間封

伯拜 羊郎 禮州人 洪武二年封

王友 昌平人 洪武間封

許旺 潞州人 洪武間封

路爵 問革

谷景春 調濟南衛

劉官 調河南衛

湯文 問革

王政

王通

衛鎮撫從五品方印一顆五年軍政選賢能鎮撫一員主之賢否

仇剛調青州

常富直隸合肥人洪武間封

宋安邳州人洪武元年封

衛千戶正千戶五品副千戶從五品所千戶五員共印一顆軍政選賢能千戶一員主之賢否由本衛

王德泰興人

劉四懷仁人

張史兒高密人

龔民桃源人

潘玉萊陽人

張買奴興州人

清海衛志

官職

趙黑 廩通州人

黃受 直隸江都人

郭瘦 廩北直豐潤人

王銘 餘千人

劉斌 滋陽人 永樂十五年封

完成

李玉 分宜人

衛百戶 正六品

蔡誥 黃巖人

武博興 博興人

王義先 直隸舞陽人

李允 直隸合肥人

李茂

張貴

傅迪 立功未回

陳愷 立功未回

本堂 自蔡誥至此天啟志作百戶

汪立 浮梁人 洪武間封 自蔡誥至此縣志註千戶列

吳興 上隸肝胎人

陳子忠 直隸江都人

韓君傅 大興人

項旺 丹徒人

青 官職

官職

乙

彭海樓

胡梓哥 賴縣人

胡興先 合肥人

王哥兒 烏江人

馮癆廟 通許人

董雲美 河間人

劉玉 四川人

秦安 滌縣人

何潤 興州人

顧成 大興人

張永 新安人

許大保 上蔡人

劉崇 湖廣人

孫敬 夏蔡人

陶珣 立功未回

王哮囉達兒 山後人

寧津 所鎮撫

賽納 山後人

張臣 高密人 天啓志無

所千戶

張勝 全椒人 洪武二十二年封 天啓元年加僉事

馬成 山後人

許昭 湖廣江夏人

官職

官職

并淮嶺志

盧真 江陰人

周佑 沂州人

尹忠 鳳陽人

所百戶

孫勝 山陽人 洪武間封

錢旺 山陽人 洪武間封 萬曆志無

張山 合肥人 洪武間封

楊興 合肥人 洪武間封

吳錢 秦州人 洪武間封

衛經 歷從七品方印一顆管軍民詞訟及府道文移呈堂正途出身應升知縣萬曆前無考

賈永成 咸陽人

王達

施良全 華亭人 升 紀善

雷震青 德化人 升 都事

江國器 福建人

李宗舜 弋陽人

蔣廷璧 武進人

王光道 太湖人

陳克嘉 獲嘉人 選貢 升 青縣知縣

丁夢說 原武人

申光綬 浙江人

馬應龍

青 年 子 云

官 職

上

王道立 北直人

黃鐔 福建人

教綬

胡紹 壽州人

賈魯 唐縣人

張表 鄒平人

劉三極 應州人

羅天德 升紀善

李嘉會 武城人 升知縣 天啓志作王命

徐鏗 登州衛人

牟應極 福山人 升德州 紀善

王子蕃齊河人天啓志作鄒平人訓誨有功升德府紀善

陳秉忠章邱人

劉極青州人升通判

李秉忠高密人

陳五章曹縣人

李館臨清人

杜允文霸州人

王鐸掖縣人

胡宗舜即墨人

郝大名

李聯芳形臺人

青寧府志

官職

三

陳志義 遼東人

衛倉大使 天啓年間裁

卜世隆 任邱人 天啓志作章邱

富寶寶 吳橋人

王江 大城人

姜受允 肅寧人

梁邦表 平遙人

孫孝寶 河間人

蔡思賢 保定人

焦景時 靜海人 天啓志作景懷 上海人

寧津所吏目

王棟 衡水人

李芝 河間人

王仁思 太原人

劉廷舉 山西人

鍾倫 江西人

倪公相

邵宏憲

吳鍾 浙江人

朱希吉 海鹽人

所倉大使

郝汝翼 永平人 清廉勤儉

項定邦 懷遠人

溫世相 雄縣人

楊守仁 南皮人

尼山秀 昌邑人 以下天啓志作衛使

崔朝用 武定人

王鏜 元城人

徐良 歷城人 天啓志無

國朝

衛守倫

韋盛 山西人 武進士 順治四年任

王京 北直人 武進士 十一年任

徐大任 北直人 武進士 十六年任

劉元孝 北直人 武進士 康熙元年任

張繼震 北直人 三科武舉 三年任

葉植 湖廣蘄州人 武舉 七年任

章靖 金華人 武進士 十七年任

李文龍 浙江蕭山人 武進士 二十一年任

宋斌 河南祥符人 武進士 二十八年任

杜振龍 陝西長安人 武進士 四十一年任

高福貴 齊河人 四十六年任

曹賢 江甯人 武進士 五十六年任

衛千總

孫承遜 京衛人 順治六年任 十三年奉裁

王尚禮 京衛人 順治六年任 十二年奉裁

甯津所千總

盧之鍾 宣城人 順治六年任 十二年奉裁

衛經歷

袁紹毅 浙江人 貢生 五年任

祝運昌 陝西人 恩貢 十年任 奉裁

教授

徐宏典 德平人 順治十年任

周之翰 安東人 十二年任

孔聞式 定陶人 十四年任

耿廷楫 新城人 十七年任

任實 掖縣人 康熙四年任

馬負圖 長山人 舉人 九年任

蘇名失傳

高三思 益都人 舉人 二十二年任

王宏緒 新城人 舉人 四十年任

蘇學軾 益都人 舉人 四十五年任 升知縣

李在泮 黃縣人 舉人 五十三年任

王瑄 濟寧人 捐貢 五十九年任

于紳 寧海州人 舉人 六十年任

新注傳志

十一

科目卷之六

進士

明洪武四年辛亥始會試六年癸丑罷至十八年乙酉復會試

宋廷訓萬曆乙酉荐於鄉登己丑進士歷山西叅議

國朝

賽玉絃康熙丁未進士司李改授知縣

賽璋康熙庚戌進士候選知縣

舉人

國朝

常天祚字凝祉順德戊子舉人見任靈山衛教授

宋鼎震字西齋壬子拔貢甲子順天舉人江陵知縣

立海峽

賽珠 字合浦 癸未舉人 縣志作癸巳

武舉

明

宋應期 鎮撫 嘉靖辛卯舉人

賽寶 鎮撫 萬曆己卯舉人 任本府海防中軍

馮祚胤 指揮 癸卯舉人

許選 指揮 丙午舉人

國朝

連奮飛 康熙己酉舉人

貢監

明

張貴南皮主簿

蔣昇隴州吏目

許紘景州吏目 以上永樂間貢

姜恩全州吏目 性耿介開館會文供給不怠衛士皆賴興起

孫銘獲嘉主簿 景泰間貢

崔勺絳州同知 府志崔星

常卿 以上天順間貢

張峽壺閩縣丞

項玉

張麟信陽州判

湯秀平谷知縣

連綺 以上成化間貢

蔣鶚 長子 縣丞

商希會 樂安 主簿

顧欽 泗水 教諭

姜有容 恩子 臨淮 主簿 以上宏治年間貢

連瑩 當塗 主簿

馬負圖 死流賊難

劉金 士子 志作 仝

韓奇 樂亭 縣丞 以上正德間貢

郭鑑 河間 主簿

許思仁 肥鄉 主簿

馬洲嘉定縣丞

張倫

劉鳳 字相周 鞏昌通判 安插番衆撫綏軍民

高祖舜 樂亭縣丞

潘崙 合肥主簿

賽從儉 三和知縣

連珠 平順主簿

張學禮 四川布政司檢校

陳汝舟 安東主簿

向日密 雲縣丞 以上嘉靖間貢

王業 撫寧主簿

許寵來蕪教諭

王堂

胡大本曲州縣丞

宋宸寧國府檢校縣志作景泰時人以士隆慶間貢

侯銳沙河知縣

劉守鳳子高邑知縣孝友廉潔課成多士

侯鑑河南衛輝府經歷

侯鑽候選訓導

梁材

侯權河間府經歷

宋應試延安同知

鄧時姜常州主簿

戰以計

周崑滋陽訓導

賽維垣歷任廣信池州通判

修憲萊陽人由衛庠生平涼通判

劉文炳沁源知縣

宋應檄歲貢未仕

范而超渭南縣丞

高如嶽榆次縣丞

宋廷讓

馮嘉聘武功縣丞

賽延胤隆德知縣

常三錫遵義知府卓有政聲

連躍淮安同知

張顯謨淳化知縣

宋廷錫永平府通判

王佐器六安州同 以上萬曆間貢

張體教沅縣縣丞

高岸萊陽人由衛庠選貢

韓柳秦武岡州知州

李佐選貢

宋廷謨蒲州判官

賽延祺徐州州判升盧龍經歷

呂宣春陳留縣丞

宋思厚魏縣知縣

許文衡猗氏縣丞

崔允高未仕以上秦昌間貢

劉夢熊龍安知府

王建垣未仕

王國祚以上崇禎間貢

國朝

榮登陸章印教諭

常兆新三錫子莘縣訓導

馮祚鴻恩選考授通判

張大倫恩選考授通判

常依仁兆新子考授縣丞

秦永壽字崔昭鳳翔縣丞

高怡萊陽人由衛庠

賽玉成辛丑恩選延胤子字五瑞

白懷樸歲貢

宋鼎震壬子拔監甲子順天舉人江陵知縣以上順治間貢

連第字芝臺歲貢

侯宣字來柏

盧時瑞字麟州甲寅貢日照訓導

宋雍字伊水陽谷訓導著線蕉圖諸集

榮甲字開黃昌邑訓導

馮運開字大來

王憲字竹臺

樂九成字雲門鄒縣訓導

刑懋元字眉山

柳瑄字官玉丙寅拔貢泗水教諭

賽玉綸

賽瑤字瓊玉庚午利津訓導著層園詩集

賽玉麟字觀六

榮鼎字象九甲戌

張玉字瀾石

張曙字若木戊寅

許邴祿字南宮丙子

宋復震字西園庚辰

宋燾字復中戊寅拔貢齊河教諭

宋昌齡字鐵山甲申

劉道興字白水壬午

孫薰字榮公戊子

榮應旂字士章丙寅縣志作丙戌

榮琰字美綺

崔慶雲字雲卿壬辰

榮應旌字竹庵庚寅

常甲字鑾生丙申奇貧嗜學

錢式字惟一甲午

王繼武丁酉

連天慶字萬林庚子

秦輔周字西藩戊戌

連元字斗章壬寅利津訓導

吳琨字荆石壬寅恩貢 以上康熙間貢

王澤字桐伯癸卯拔貢

韓士錦字帛黼甲辰

王可師字心齋庚戌 在乙巳後補入者

宋契喬字承殷辛亥

賽枝廣附生例貢

王鏞堂邑訓導

王澤潤恩貢

名賢卷之七

明

賽從儉號時菴本衛鎮撫寶之次子也上世皆武貴先生始以文學起家仕三和知縣廉介不附三載列上考致政請歸胞兄賽從仁早逝子維忠夫婦繼亡遺孤應襲延祿甫三歲先生撫若已出維藩維垣與祿同時出痘獨祿症不治先生晝夜涕泣焚香祝曰

51

吾有二子願損一以活祿若祿殤則世職莫襲予將何以白於鄉黨隣里乎後三人俱痊祿長為完娶及承襲始怡然先生將祖遺黃山庄田一處盡以畀祿而自卜居於文邑之東閔迄今累世仕官科貢濟濟

賽維垣號盤石家貧力學初任廣信通判署篆弋陽會赤旱先生

步禱仙姑井距邑二十餘里無倦容祝畢忽一盤自井中上浮水
面盛雙履陰陽各一以歸供於衙之三聖廟頃刻大雨沾足翼旦
往謝仍以盤置水面滌洒者久之遂沉時遠近喧傳邑人為立祠
記其事都諫夏公贈詩有一榻齋居亭上月雙屨踏破隴頭烟之
句尋調池州通判多善政年四十二卒於官扶柩歸里惟有先父
之敝廬而已

向化本衛指揮向上次子也父署衛印時化年十六歲值撫按臨
父文冊未備投海而死化哀號踊躍泣尋三日投海次日父屍浮
水面時天大晴忽西南角似鼓響數聲頃刻雷雨大作化屍頭項
父衣浮起衛人觀者如市觀察郭公給銀八兩命葢成禮
詔給銀三十兩暨坊以旌

賽維藩字柱石從儉家子庠上以子延胤貴封文林郎先生端方儉樸終其身足跡不至公室上以父蔭下以子榮蔬食自苦也壽八旬有五無病而終

賽延胤號景樸維藩仲子幼失恃事繼母以孝聞讓產兄弟年未四入庠第一即子餽由揀選除隆德令居官清慎才能四應隣邑巨寇陳高庄負險十餘年諸道兵不能克先生計擒之凱旋督台率藩臬以下把蓋慶曰關中數千里得以安枕者賢令尹功也遂舉卓異以覃恩晉階文林郎三載卒於官年三十有六八名宦連壁本衛指揮僉事掌衛屢有建明并河南歸德守隘功勳甚著商祖堯與宋奎常林潘鑄劉鑾武忠宗應期潘榮張玉許富皆本衛武彥也嘉靖三十一年倭衆犯衛祖堯等率衆捍禦奮不顧身

倭遂潛退皆堯等之功事聞各蒙欽賞銀緞而宋奎馬馳幾遇害
賴子應期奮救功尤卓焉

賽延祺號海嶠維垣季子也八歲失怙胞兄弟六人析坎讓產僦
屋以居為諸生講學不輟資未脩以事筮仕徐州判露宿河千分
修長山等大功數月竣事總河劉公榮嗣特厚遇之時河決為患
左在見浩凡稱難治劉公輒檄先生至指畫如有成竹樊口溜淺
先生創造布閘激水以渡之劉公嘆曰真奇才也漕運畢叙功七
省第一會劉公以浮言中傷所部監司倅二被逮者四十二員先
生莅任期月升盧龍經歷堅不就或力勸之答曰吾生平藪厄守
拙功名抑可知也因賦歸來山居二十餘年布衣草屋官長不識

其面

國朝

賽玉絃字冠夫讀書務實學潛心墳典為文原本經史視帖括家
一切軟語滑態夷然不屑立文山社課諸生多知名之士著慵齋
文集丙午以策論登賢書丁未成進士年逾五旬遂不樂仕進云

五
十
七

111

馳封卷之八

明

宋奎以仲子續誥封武毅將軍加贈飛騎尉

宋應綬封承德郎顏氏柳氏封安人以子廷訓貴

常柏庠生封文林郎新安縣知縣晉封奉直大夫應州知州連

氏初封宜人晉封安人以子三錫貴

賽維藩封文林郎于氏于氏封孺人以子延胤貴

連爾鑣封奉直大夫許氏封宜人以子躍貴

韓恩范庠生封奉直大夫崔氏封宜人以子仰泰貴

張文綽封文林郎許氏封太孺人以子顯謨貴

刑氏封孺人以夫賽廷胤貴

清海府志

馳封

齊氏封安人 以子宋應試貴

蔣氏以夫宋應試貴封安人

畢氏以夫連躍貴封宜人

劉氏以夫常三錫貴封孺人

于氏以夫韓仰泰貴封宜人

周氏以夫韓仰泰貴封宜人

許氏以夫張顯謨貴封孺人

國朝

賽玉絃封文林郎臨汾知縣晉贈奉直大夫山西提督學道 朝

氏封孺人晉贈宜人 以子璋貴

于氏以夫賽璋貴封孺人晉封宜人

逸行卷之九

明

蔣孟本衛軍餘失目父喪家貧難以贍母與人作傭得粟由輒懷歸奉母母有疾朝夕奉養母年九十餘孟年七十五人稱其孝

鄭振華父歿廬墓三年孝思純篤鄉人為之勒碑

宋虬字旬伯工畫尤長於山水得小李將軍筆意隱居槎山飄飄有仙致

王希孔父平於康熙四十二年被賊害希孔方幼及長常持斧尋仇未得遂志一日乘衆觀花炮突出斧擊賊腦裂隨自投獄慷慨赴難畧無懼色賊未即死潛逃京師希孔亦遇赦其事泯沒無傳特表之

卷之三

三

貞節卷之十

明

烈婦

高氏軍餘管克勤妻勒死氏號泣三日水漿不下竟自縊死

節婦

王氏監生連琪妻事姑三十餘年撫按旌表其門

蕭氏舍餘宋奪妻年十八守節撫幼子應徵年八旬孫廷訓登第
方卒人咸謂苦節之報縣志無

于氏應襲指揮潘嶽妻二十三歲誓守一女族表其門

周氏舍餘商朝國妻二十三歲守節倍歷辛苦

蕭氏宋鐸妻甘貧守志七旬而卒

宋氏宋廷言長女百戶劉宗崇妻年二十二歲寡居無子脩嘗百
報七十四歲邑侯旌表縣志無

國朝

烈婦

高氏衛廩生范磊妻磊亡無子嘗一投井不死終以自經邑侯徐
公勒碑旌

宋氏軍餘蔣良魁妻年二十歲魁死遺子三歲氏堅守撫養後子
亡即哭死

叢氏儒童李永豐妻適甫暮年豐病殂氏號泣終日竟環縊柩前
張氏甯津所王鏡妻年十八歲鏡偶得猝病死遺子二歲氏涕泣
不顧當日環縊柩前

劉氏李泮妻泮亡無子乘隙自縊

潘氏連可傅妻年十五于歸兩月夫赴京歿無子氏聞訃自縊

張氏常元福妻于歸未及半載夫赴京歿氏聞訃自縊年十九歲

王氏胡士瑤妻年十九于歸越二載夫歿撫子能食堅志殉夫絕粒死

向氏趙充美妻年二十夫故殉節

節婦

叢氏生員常兆升妻二十無子矢志苦守五十年凜如一日

常氏指揮王古隆繼妻二十守節壽延八旬六十年凜如一日

周氏韓仰泰繼妻三十守節撫四子七十六歲倍歷辛苦

王氏百戶劉應熊妻二十五歲守節事姑弗怠撫二子成人今年

逾古稀聞姑之遺言遺行猶泣涕

楊氏韓瑄妻年十七夫故撫遺腹子守節

王氏秦翰因妻年十九夫故事霜姑撫幼子守節

邵氏庠生宋珏妻念二夫亡無子守貞

張氏庠生蔣一元妻念三守貞教子入泮

張氏庠生宋理妻念四夫故無子守貞

許氏庠生宋思恭妻念四守節事翁純孝撫子成立

黃氏張文善妻

遲氏宋可久妻念三夫故繼子苦節

王氏李淇源妻十九守節

宋氏王維武妻奇貧苦節

宋氏庠生許汝麟妻

畢氏韓士祥妻守節六十年

連氏劉大紳妻

殷氏張某妻

宋氏王大孚妻繼子守貞

劉氏庠生連籌妻

宋氏常輔仁妻

柳氏宋可悅妻年十九無子守貞

王氏廩生賽岫繼妻撫前妻子守節

五
十
卷
六

三

屯名

本衛屯四十三處曰狼尾曰老軍曰草埠曰草埠角曰古障曰古障角曰殿山院曰鄒山曰桃子山曰玄真島寨曰蔓天嶺曰石窰曰榛子溝曰桃花石曰達軍曰明光山曰望港山曰長會寨白石樟河曰五里島寨曰劉家塋曰汪島曰生家島曰湯灣泊曰楊家港曰落落溝曰大金院曰金家庄曰小泊子曰小泊子角曰峯山曰管山曰西古障曰黑石埠曰茅茨埠曰遠庄曰泊子曰密南泊曰冷家庄曰黃埠嶺曰綿馬曰青里以上各屯俱坐落寧海文登界內寧津所屯共二十一處曰龍灣曰蒲免曰王古曰差山曰裡山曰土山曰關馬曰黃曰星石曰九城樂曰博落曰港頭曰黃山曰桃花石曰紫閣關曰汧島曰模椰島曰紫家曰懸山以上各屯俱在文登界內

本衛墩二十座曰柘島曰鐸木曰郭家口曰石崗山曰唐浪頂曰
杵杵頂曰芥萋寨曰狗脚山曰脚山曰路家馬頭曰木石曰長會
口曰經土崖曰明光山曰青島嘴曰姚山頭曰峯窩曰浪浪曰大
灣口曰黑夫廠

本衛堡八座曰蒸餅曰孤西曰慙山曰望漿曰墳臺曰殿山曰葫
蘆山曰起雨山

寧津所墩八座曰漫埠曰龍山曰羊家島曰芝蔴灘曰王古曰柴
家山曰青埠曰孟家山

寧津所堡九座曰帽子山曰箇山寨曰高落山曰拖地崗曰王家
埠曰大頂山曰土現口曰龍虎山曰箇山

教場在城西南角有亭一間僅存遺趾

本衛城三面環海當東南出入要地地多斥鹵居民仰漁利以自給自明以來生齒漸繁科甲相繼材能輩出名賢著績於先後節孝垂光於里閭地丁錢糧勸輸以時移風易俗是賴賢能

彭·浩·卷三

三三三

藝文

邑修文廟碑記

賽玉絃

邑有文廟尚矣考諸志始建城東南隅金大定間邑侯李公天成遷縣治東迄明嘉靖邑侯辛公三畏乃重修焉由此觀之自古帝王之興如漢明帝臨雍袒割固曠代所未有即守一郡令一邑而以興學校敦教化為急務者亦必數百年而後一遇也三代教士之法雜見於周禮戴記漢唐以來邈矣難復勝國學校之盛嘉隆為最至萬曆而駸衰當其盛也天子重澤宮之選或簡碩輔為大司成下至郡邑學正亦充以庶常崇廉恥抑奔競別賢否為勸懲以故士修實行名公巨卿接踵而出及其衰也釋菜視為故事師儒之官或闕而不備士有終身不履庠序不辨俎豆者絃當弱冠

之年嘗北達燕冀南浮河淮矣至其處往往見學宮茂草甚至牧
人賢子躑躅其中蓋不勝歎歎而流涕也 大清鼎革百度維新
世祖章皇帝孜孜以廣學校為先 今上即位加意作人海內哀
然嚮風矣文邑僻處東陸壤地磽确兼以兵燹相仍學日就圯正
殿不蔽風雨門廡垣墉一望瓦礫過者弗愜焉康熙庚戌夏邑侯
邵公來蒞茲土謁廟嘆曰廢弛若此曷以達 功令而勸多士越
明年春亟謀鳩工諸生以公私殫慮難之公曰予與諸生約上不
累國下不病民其許我乎諸生曰諾公遂出俸金倡捐助僚佐紳
士亦競相勸也不數月而正殿戟門竣事堊黝丹雘煥然改觀堂
舍齋祠次第具舉絃于是嘆天下事之可與樂成而難與慮始也
公下車將及三載持已以廉惠民以仁至于好賢下士一出乎禮

廟貌既成瞻仰肅拜復集多士於明倫堂而告之曰爾諸生亦知先王建學立教之意乎非徒功名蓋以德行為本爾諸生苟能德化一方如古彥方其人雖窮而在下亦邦家之光也若臣焉不忠子焉不孝雖擬魏科躋膺士聲勢赫奕足以誇耀一時而不免聖賢之罪人爾諸生其勗哉于是諸生成凜然以恐悠然以思夙夜勉之以佩公之訓而公之教澤行且形為咏歌宣金石被管絃以垂于無窮豈非數百年而一遇者哉公諱沆字季仲浙江鄞縣人登辛郊賢書

劉協鎮去思碑記

賽玉姪

都督劉公諱進寶字君重遼東廣寧人也生平慷慨工韜畧從事戎行歷叅漳泉關廩功甚茂今上即位念東陲為神京左臂特

設協鎮於文邑之舊營而以公開幕府為公未蒞之先于之倡亂
虎負鋸齒山一呼響應自登郡東南數百里在在揭竿勢如燎原
之火而文邑西有崑崙山地扼險要巨寇巢穴其中與鋸齒相為
犄角文邑嘗被圍七晝夜矢盡糧竭危若累卵公通當其時率十
餘騎轉戰前進城內望見大霧喜將軍從天而下也公既入城號
令嚴肅壁壘一新城自是不敢薄城下然猶盤據西山出沒無常
公按甲不動者數日諸裨將屢請曰今不亟搗其穴城未可一日
保也公不聽賊聞之以為怯忽一日因天雨雪乘夜疾馳五十餘
里深入不測一鼓而擒厥渠首人始嘆公方畧之奇也至脅從之
眾悉令解散有願歸農伍者勿誅于是反側子自安雖李愬之取
元濟不是過矣當是時于逆未擒禁旅雲集而公獨能底定東

方不煩大兵之臨稊糧藹芟省民數十萬緡既而鋸齒破羣醜平則以公能先剪其羽翼勢孤援絕而後大兵得以成其功也公可不謂耆庸乎公深通兵法好整以暇十餘年來撫輯士卒恩威並用由是兵民安堵境內晏然公又時與士大夫從容譙樂無凌轢飛揚之色輕裘緩帶惟公有焉公今總戎南顧矣封侯萬里豈必戀戀于此但以公功德在文不忍舍又不能忘爰伐石誌之以傳後世

修老子殿序

賽玉絃

文邑東南距三十里許名慈口觀者乃老子大殿也創于元秦定之二年今久而圯矣羽流某欲重修之而徵予言為序余考之史記曰老子苦縣厲鄉曲仁里人也按地志曰若在亳州谷陽界有

老子宅及廟是老子生有地死有鄉矣奚為而祀於此也耶豈老子之神不如地中之水無往而不在也太史公為老子立列傳一曰莫知其所終一曰世莫知其然否社工部詩曰谷神如不死養拙更何鄉然則老子之神在彼乎在此乎是未可知也蓋老子大旨貴清淨自然當時閔令尹已以聖人事之所著道德五千言後世有道之君如漢文帝者往往用其術以治身治天下其祀之也亦宜乃自古天下之禍之烈無如申韓之刑名蘇張之捍闔兩晉之清談而說者謂皆原於道德則其合祀與否又未可知也雖然余誦法孔子者也孔子有言曰老子其猶龍乎安知其果不可以祀也若曰老子之徒借孔子以重其師則余又不知其所云

董仲婦傳替

寶玉經

萊陽董樵生仲子道廣四歲入西山度子冬十一月棲霞孫士彥
以女歸廣戊秋七月道廣卒于西山孫氏死贊曰嗟乎萊陽吾
董樵也何為入西山耶道廣年甫弱冠能讀父書卒於西山道廣
之志也孫氏曰吾無子當死誠知道者歟豈云烈哉氏死書年月
正其終也歸亦書年月正其終必謹其始也氏且死庶姑勸之棄
勸之隣婦與婢人勸之皆不得書不與其勸也書樵與樵也有樵
而後有道廣有道廣而後有氏也當樵入西山最初與奈交今二
十有八年樵其以西山老乎然則樵乃西山之樵也西山之樵何
為萊陽善美哉固萊陽之風也

五言詩

遊山待友人不至

宋廷訓

堵居驚春去山色入夏深不堪景顏擲乘興暫幽尋時雨綠田野
正陽麗園林柳看錦成織麥湧浪作金鶯花紛燁燁蛙鼓亦欽欽
更有嵐嶺好金香松鬱陰韶華愜獨往勝集懷同心如何待不至
搔首自沉吟

咏新月

宋廷訓

萬古此明月一秋看一新照人今夕月看月去年人月桂長多少
人情閱幾經安能人共月照看永無磷

召文臺

曹賢

始皇志坑儒構臺先召士可憐魯諸生竭厥恐後至臺荒千古存
秦業不二世一嘯來天風徘徊感遺事

五言律

除夕

宋廷訓

兩年爭一夜萬里聚同人
酒泛寒歲柏斗回月令寅
行踪客裏舊世態眼中新
去往非吾事浩歌待曉春

夜笛

宋廷訓

羌笛吹殘夜蕭蕭過小亭
玉關人未入郢調客中聽
竹韻微風亂漁歌和晚汀
一聲橫塞月吹落萬山青

寒夜

宋廷訓

木落霜天晚千家盡掩扉
書聲燈火細漁吹荻江微
月印蒼松冷風迴白雁飛
遙憐邊塞苦應念授寒衣

展龍池

宋廷訓

清池豈古勝曾說武皇過
碧玉寒凝露青蘋淡寫波
龍無潛隱跡

權在往來歇莫過昆明水由來一句多

登文山有感

鶯語春風度
脩然樹杪行
四山圍野色
兩水抱孤城
黃石終埋姓
丹砂可避名
秦宮何處是
但見暮煙橫

登槎山

宋 雍

不似此山久重來
興欲迷雪殘
幽徑滑天遠
數峯低落日
暗光滿
溥雲海色齊
扁舟如可泛
更在暮湘西

望槎山

王 一貫 夫與人

一望衆山小
凌雲青逼天
相傳人不到
孤立自何年
海氣龍池合
雲光鳥道懸
誰當窮九頂
洞裏有神仙

遊鐵槎山作

何 漣 會稽人

峯影與雲連乘槎直上天蒼藤盤絕頂黃葉下飛泉苔蘚龍池畔
煙嵐蜃氣邊偶然謝塵事來訪洞中仙

遊千佛洞

鄒士華廣東興寧人

鐵槎流翠雨石瀨響空山欲上清涼頂來敲寂靜關風聲修竹裏
月色句雲間思得琴高鯉海天任往還

七言古

大恭鞠公入祠歌

賽 瑤

吾邑鞠公不可攀堂堂正氣文文山念載宦遊歷秦晉在在襲黃
卓魯間居平磊落號人傑他年事業期轟烈自是讀書見禮明臨
機發矢還一決節越漁陽蓋有年一朝失守豈遣延慷慨一劍身
徇國留取孤忠向九天欲將一木支大廈凜凜生氣溢中夏浩然

歸泉石自悠詎知潛德終難滅夜夜幽光射斗牛天王使者下東
方觀風第一錄忠良三代直道猶未泯桑梓籲請入宮牆宮牆數
仞入無門人多以富遺子孫君家不徑復不竇詔賜明禋拜新恩
新恩追崇無與倫俎豆煌煌左右陳因思二心臣子輩終須一死
死羞人富貴爭如擊石大功名休自認為我但使忠孝處死生枯
骨終當同岷峨我生未獲侍風宸我志於邑恨未伸長歌聊借光
生發留為野史勸忠臣

雨雹

賽珠

丁酉之歲秋八月霹靂犁雷無時歇何人推墮水晶宮水摧玉裂
拋滿空滿空撒擲雜風雨送入新菑帶
林莽鳥飛飛不得垂
頭塌翼無顏色近聞人從港口來魚顛蟹倒委青苔更有老農泣

嗚咽膏腴千頃填冰雪去年苦旱多糠糶今年苦雨未生耳黍稷
高粱比不登螟螣蝻賊匝地生賸有水田三十畝帶雨荷鋤不住
手準擬今秋上場屋半入官糧半裹腹又被天公收拾了千村萬
落疾如掃記取明年謝梨鋤拋將田土走湖蘇

遊柘楊山

賽珠

山勢屋巖盤海曲遊人一步一蹣跚我從崑崙山下來猶貪山色
入山腹千載空傳柘陽石至今不見柘楊木惟有鬱鬱萬松林亂
峯高下迎人綠巋然古寺藏巖底碧瓦參差蘂茅屋入門突兀摩
雙碑石花斑駁不可讀金星統元至正年達魯花亦字髻髻老僧
延客闢深堂隨意起坐無拘束西行更上老龍宮畫壁森羅紛水
族馮夷擊鼓鼉鼉舞指點丹青看不是我生性癖酷愛山老樵童

牧喜追逐竭來茲遊真奇絕幾時踏遍海山麓行拾紫芝調白鹿
蓑衣弱笠慊幽獨

七言絕

過許秀才任奇廬墓處

常元素 衛廩生

空山寂寂鵝鳴幽小碣苔深字不留無數秋山動秋思孤雲落處
起潮頭

七言律

黃山山房

賽從儉

猿鳥無聲盡掩扉寒原隔水到人稀雲晴古木月初上雪滿空庭
鶴未歸藥圃地連山色靜樵家路入樹烟微棲遲慣得滄浪興雲
閣還應夢釣磯

槎山登眺

邵三奇

羣峰拱立碧霄端
胸盪層雲縱目寬
池上龍飛鱗甲動
洞中仙去
皂爐寒千村
回望迷烟樹
萬象平收列
畫闌乘興躋
攀須信宿海
天日夕有奇觀

清涼頂次董東湖韻

宋 雍

二月空山雪未消
登臨游客半漁樵
浮雲忽送孤峯影
高閣全憑
萬里潮風起
魚龍通碧海
月明笙鶴下
丹霄從君杖履
非無意不
信蓬萊此際遙

重遊槎山

呂 槐

回首滄桑一望遙
十年會此狎漁樵
九峯夜度蓬萊鶴
萬里朝通
閩粵潮遊客
登臨低向日
仙人宮闕出
青霄分明已入
星源裏何

事乘搓波漢橋

登槎山

林淇

孤峯直峙海雲邊
縱目澄波萬里烟
石磴層層疑鳥道
浮鷗點點是漁船
龍池水闊珊瑚靜
佛洞苔深峭壁懸
振策清涼最高處
茫茫一髮見青天

崑崙山

曹賢

崑崙山勢削芙蓉
蘿蔓崩崖倒挂松
一氣靈鍾三百里
半天雲影萬千峯
仙人已去留餘迹
古寺難尋但聽鐘
安得攸然謝塵網
軒霞裡駕倉龍

薄暮步西嶺用少陵韻

賽珠

舍南舍北向黃昏
天末猶餘夕照痕
野塚已摧元代碣
山居未改

漢時村豚河風急迷沙岸
仙窟雲深擁石門最是登高多古意不
關孤客也銷魂

六言絕四首

其一

賽珠

臨水荒園半畝負山草屋數椽有客開樽花下無人敲句柳邊

其二

興至敲棋把酒悶來問酒尋花款客殺雞為黍家常脫粟籬瓜

其三

雨過一簷一笠炎蒸不履不衫坐看蜻蜓上下卧聽紫燕呢喃

其四

架上牙籤常滿樽中濁酒不空讀罷貪杯苦渴枝頭果墜初紅

昆陽書屋銘

矮矮書屋其大如斗不臺不黜亦戶亦牖漱水龍吟山松虎吼育
左腐遷續紛左右向仙賀鬼揖讓前後醉或擊劍歌亦拊岳何以
勒銘古文斗

外志

流寓

曾景陝西潼關人正德五年歲薦除本衛學博剛直古樸因年老
子幼遂占籍文登後遭兵燹湮沒無傳

許念敬河南人任大理寺評事充衛軍

王玉陽字處一東牟人金天定間待重陽子居烟霞洞修真重陽
授以道法三十六卷載顯異錄後以烟霞人跡雜居徙居槎山構
屋居焉一日遊山之西愛其巉巖自成一洞名曰千真至今宛然
怪異

賽從儉卜地葬父於黃山西南某圖某地葬之日地主遣一老嫗
夜赴塋乘未葬欲撲墳為難迷道忽遇二童各執燈謂嫗曰汝欲

往賽氏塋乎吾為汝導嫗隨之及將曉二童不見嫗乃在海港中
幾不能出至塋則棺已下而墳已成矣

康熙丙午春有異人張姓借船入蘇山島獨居毒蛇惡物不敢近
舟子入借風風即順丁未春堆柴一圍自坐其中焚死

鐵槎山在衛東南相距十八里齊乘作鑿查山山連九頂南瞰大海絕頂大石之上有龍窩跡印宛然有龍池大旱不乾有千佛洞洞壁有窩每窩一佛傳為真人王處一用木魚空成山東有名上天梯以手拂石方能行年久手印寸許東頂有雲光洞即王真人修煉處東南有雲濛山山下有水簾洞洞內有二石珠將大風雨珠盪激響如雷土人以下陰晴每歲元旦水退可步至洞門外窺之皆然無際洞門題水簾洞三字大如斗過日則水勢汪洋舟人遙望之而已

蘇門島在衛東南海中水面約四十里一名蘇心上有海神廟隆冬花開石耐冬類茶花有泉甘冽北有漲濛島西有柔島墨島又西有邢家島此島與姑蘇相對故云蘇門春夏之交頻見海市城

奇觀也

姑嫂石在衛西水面三十里俗傳有姑嫂投海而死化為二石隔里許故名海市多出其上

馬蹄泉在衛城南里許渾石中間宛然馬蹄潮至四面俱鹹中仍甘美可飲